



**JABATAN AKAUNTAN NEGARA MALAYSIA  
NEGERI PERAK**

Aras 3 & 4, Menara SSM Ipoh Perak,  
Jalan Basco Kepadang 1,  
Basco Avenue@Kepadang,  
31400 Ipoh, Perak

No.Tel : 605 - 246 2100  
Laman Web : <http://portalpp.anm.gov.my/perak>

Ruj Kami : JANM.PRK.600-1/1/1 (3)  
Tarikh : 21 Februari 2024

YBhg. Datuk/ Dato'/ Datin/ YBrs. Dr./ Tuan/ Puan,

**ARAHAN PEMBAYARAN BAYARAN INSENTIF AWAL (BIA) KAJIAN SISTEM SARAAAN PERKHIDMATAN AWAM (SSPA) TAHUN 2024**

Dengan hormatnya saya merujuk kepada perkara tersebut di atas dan surat Jabatan Perkhidmatan Awam, JPA.800-3/2/4(39) bertarikh 06 Februari 2024 - Bayaran Insentif Awal Kajian Sistem Saraan Perkhidmatan Awam Tahun 2024, Surat Kementerian Kewangan Malaysia rujukan MOF.NBO(S)600-9/1/297 Jld.2 (10) bertarikh 26 Januari 2024 - Bayaran Insentif Awal Kajian Sistem Saraan Perkhidmatan Awam (SSPA) Tahun 2024, serta Surat Pekeliling Akauntan Negara Malaysia Bilangan 2 Tahun 2024 - Peraturan Bayaran Insentif Awal Kajian Sistem Saraan Perkhidmatan Awam (SSPA) Tahun 2024 adalah berkaitan.

2. Sukacita dimaklumkan bahawa Kerajaan telah menetapkan kadar Bayaran Insentif Awal Kajian SSPA adalah sebanyak RM2,000.00 kepada pegawai Perkhidmatan Awam Kumpulan Pengurusan dan Profesional serta Kumpulan Pelaksana Gred 56 dan ke bawah termasuk pegawai lantikan kontrak *Contract For Service (CFS)*, *Contract Of Service (COS)*, pegawai sambilan harian dan lantikan MySTEP.

3. Kerajaan juga menetapkan kadar bayaran Insentif berjumlah RM1,000.00 kepada semua pegawai di gred Jawatan Utama Sektor Awam (JUSA) pelbagai skim perkhidmatan termasuk polis, bomba, tentera, angkatan bersenjata dan seluruh anggota beruniform. Bayaran insentif ini turut dipanjangkan kepada pesara Kerajaan (pesara berpencen, penerima pencen terbitan, pesara Kumpulan Wang Simpanan Pekerja (KWSP), pesara bersara pilihan dan belum menerima pencen, veteran berpencen dan veteran tidak berpencen). Bayaran ini akan dibayar kepada pegawai yang layak tertakluk kepada surat Jabatan Perkhidmatan Awam dan dibayar bersekali dengan bayaran emolumen bulan Februari iaitu pada 23 Februari 2023 (Jumaat). Sehubungan dengan itu, YBhg. Datuk/ Dato'/ Datin/ YBrs. Dr./ Tuan/ Puan perlu mengambil tindakan dan perhatian dengan memastikan Penyata Perubahan (Kew.8) bagi pegawai yang layak menerima BIA Kajian SSPA disediakan **pada atau sebelum 29 Februari 2024**.

4. Laporan *Payroll Master Listing (PML)* dan Penyata Gaji bulan Februari 2024 perlu disemak dengan teliti bagi memastikan ketepatan pembayaran. Tindakan kutipan **SEGERA** perlu dibuat jika terdapat pembayaran kepada pegawai yang tidak layak menerima BIA Kajian SSPA Tahun 2024. Tanggungjawab Pusat Tanggungjawab (PTJ) adalah seperti berikut:

- i. Mengutip **semua amaun** yang telah dibayar kepada pegawai yang **tidak layak** menerima **Bayaran Insentif Awal Kajian SSPA Tahun 2024** secara tunai atau *Electronic Fund Transfer (EFT)* dengan mematuhi prosedur yang telah ditetapkan di dalam Surat Edaran Bahagian Pengurusan Operasi Pejabat Perakaunan (BPOPP) Bilangan 12 Tahun 2022 - Garis Panduan Pengurusan Terimaan Secara *Electronic Fund Transfer (EFT)* Ke Akaun Terimaan Pejabat Perakaunan.
- ii. Pegawai yang membuat bayaran bertanggungjawab memastikan perihal rujukan bayaran dinyatakan dengan jelas selaras dengan surat edaran berkenaan.

5. YBhg. Datuk/ Dato'/ Datin/ YBrs. Dr./ Tuan/ Puan adalah dimohon untuk memastikan perkara-perkara berikut dipatuhi bagi pembayaran melalui Arahan Pembayaran (Kew.330E):

- i. Menyediakan Arahan Pembayaran (Kew.330E), jenis dokumen - Invois Tanpa Pesanan Kerajaan (K2) berserta Penyata Perubahan Mengenai Pendapatan Seseorang Pegawai (Kew. 8) dan dokumen sokongan lain yang berkaitan; dan
- ii. Memastikan pegawai awam yang dibayar melalui Arahan Pembayaran (Kew.330E) menerima bayaran pada **23 Februari 2024**; dan
- iii. Memastikan tiada keciciran dalam pembayaran kepada pegawai awam yang dibayar melalui Arahan Pembayaran (Kew.330E).

6. Kod urus niaga yang perlu digunakan bagi Bayaran Insentif Awal Kajian SSPA Tahun 2024 adalah seperti berikut:

<b>Kod Elaun (Payroll)</b>	<b>Kod Akaun</b>	<b>Perihal Kod</b>
1077	B0117104	Pemberian/ Bayaran Khas Kakitangan Awam
1077	B0117204	Pemberian/ Bayaran Khas Pasukan Keselamatan
1077	B0229306	Pemberian/ Bayaran Khas Pekerja Sementara atau Sambilan atau Yang Tidak Menyandang Jawatan Tetap
4021	-	Bayaran Balik Pemberian/ Bayaran Khas

7. BIA Kajian SSPA Tahun 2024 tidak dikira sebagai pendapatan bagi tujuan pengiraan cukai. Kerjasama dan perhatian YBhg. Datuk/ Dato'/ Datin/ YBrs. Dr./ Tuan/ Puan ke atas perkara ini amatlah dihargai bagi memastikan bayaran ini dibuat dengan lancar. Sebarang pertanyaan berhubung BIA Kajian SSPA, boleh dirujuk kepada Unit Gaji Jabatan ini di talian 05-2462113/ 162/ 168.

Sekian, terima kasih.

**"MALAYSIA MADANI"**

**"BERKHIDMAT UNTUK NEGARA"**

**"Memperkasa Budaya Inovasi Pendigitilan"**

Saya yang menjalankan amanah,



**(RUHEILA AFZAN BINTI MUSA PJK,C.A(M),ACMA,CGMA,CPFA(UK))**

b/p Pengarah

Jabatan Akauntan Negara Malaysia

Negeri Perak

E-mel : [ruheila@anm.gov.my](mailto:ruheila@anm.gov.my)

Tel. : 05-2462 104